



Komunikadu Imprensa

4/12/2012

Tinan ida liu ona maibé Dekretu Prezidensiál kona-ba Planu Asaun Implementasaun Rekomendasaun KVA laiha rezultadu

Iha 14 Dezembru 2004 Estadu Timor-Leste no Indonézia hatan hodi estabese Komisaun Verdade no Amizade (KVA) atu rezolve kazu krime violasaun direitu umanu ne'ebé militar Indonézia no mílisia pro Indonézia komete iha no depois referendu iha tinan 1999. Komisaun ne'e ofisialmente hala'o nia mandatu iha 11 Agostu 2005.

Iha 6 Outubru 2011, Prezidente Repúblika Indonézia, Sr. Dr. H. Susilo Bambang Yudhoyono hasai Dekretu Prezidensiál ida ho Nú. 72/2011 kona-ba Planu Asaun Implementasaun Rekomendasaun Komisaun Verdade no Amizade entre Indonézia no Timor-Leste.

Iha 15 Jullu 2008 Estadu Indonézia no Timor-Leste deklara katak sira pruntu simu no iha komitmentu atu implementa rekomendasaun hotu husi KVA bainhira simu relatóriu final hosi KVA (pontu c Dekretu Prezidensiál Nú. 72/2011). Maske nune'e Dekretu ne'e hasai tinan ida liu ona, maibé seidak iha asaun konkretu ba niania implementasaun.

"Ne'e hatudu katak Estadu Indonézia no Timor-Leste la sériu atu trata asuntu krime pasadu hodi responde ba vítima sira nia sofrémentu," dehan Luis de Oliveira Sampaio, Diretór Ezekutivu JSMP.

JSMP fiar katak "Dekretu Prezidente ne'e importante tebes tanba nu'udar instrumentu legál ida hodi ezije Estadu Indonézia no Timor-Leste komesa trasa planu no asaun konkrera hodi implementa rekomendasaun Komisaun Verdade no Amizade. Implementasaun rekomendasaun sira ne'e bele fornese justisa ba sofrémentu vítima sira nian."

JSMP ezije ba Governu Indonézia, partikularmente Ministériu Negósiu Estranjeiru, atu halais prosesu implementasaun ba rekomendasun KVA liu-liu relasiona ho asuntu ema lakon liu husi planu asaun ne'ebé aneksa ona ho Dekretu Prezidente Nú 72/Nov/2011.

Atu hetan informasaun kle'an liu tan favor kontaktu:

Luis de Oliveira Sampaio
Diretór Ezekutivu JSMP
info@jsmp.minihub.org
Telefone: 3323883|77295795
www.jsmp.minihub.org